

**ОПЕРАЦИЯДАН КЕЙИНГИ ВЕНТРАЛ ЧУРРАСИ БЎЛГАН БЕМОРЛАРДА
ГЕРНИОАЛЛОПЛАСТИКАНИНГ ТАКТИК-ТЕХНИК ЖИХАТЛАРИ**



Юлдашев Парда Арзиколович, Курбаниязов Зафар Бабажанович, Сайинаев Фаррух Кароматович
Самарқанд давлат тиббиёт университети, Ўзбекистон Республикаси, Самарқанд ш.

**ТАКТИКО – ТЕХНИЧЕСКИЕ АСПЕКТЫ ГЕРНИОАЛЛОПЛАСТИКИ У БОЛЬНЫХ С
ПОСЛЕОПЕРАЦИОННЫМИ ВЕНТРАЛЬНЫМИ ГРЫЖАМИ**

Юлдашев Парда Арзиколович, Курбаниязов Зафар Бабажанович, Сайинаев Фаррух Кароматович
Самаркандинский государственный медицинский университет, Республика Узбекистан, г. Самарканд

**TACTICAL AND TECHNICAL ASPECTS OF HERNIOALLOPLASTY IN PATIENTS WITH
POSTOPERATIVE VENTRAL HERNIAS**

Yuldashev Parda Arzikulovich, Kurbaniyazov Zafar Babajanovich, Sayinaev Farrukh Karomatovich
Samarkand State Medical University, Republic of Uzbekistan, Samarkand

e-mail: pardauldasov@mail.ru

Резюме. Мақолада Самарқанд давлат тиббиёт университетининг кўп тармоқли клиникаси жарроҳлик бўлимида операция қилинган 245 нафар операциядан кейинги қорин олд девори чурраси билан оғриган беморларнинг жарроҳлик муолажаларини қиёсий таҳлил қилиши натижалари келтирилган. Жарроҳлик даволаш натижаларининг қиёсий таҳлили 2018 йилдан 2022 йилгача бўлган даврда жарроҳлик тактикасини танлаш мезонларини ҳисобга олган ҳолда чурра герниоаллопластикаси ўтказган асосий гуруҳдаги беморлар ($n=161$) ва қорин олд девори чурраси бўлган, анъанавий усулда герниопластика ўтказган қиёслаши гуруҳидаги беморлар ($n=84$) ўртасида ўтказилди.

Калим сўзлар: қорин олд девори чурраси, герниопластика.

Abstract. The article presents these results of a comparative analysis of the surgical treatment of 245 patients with ventral hernias, who were operated on in the surgical department of the multidisciplinary clinic of Samarkand State Medical University. A comparative analysis of the results of surgical treatment was carried out among the main group of patients ($n=161$) who underwent hernia alloplasty taking into account the criteria for choosing surgical tactics and patients with ventral hernias, whose herniotomy was performed by the traditional method ($n=84$) in the period from 2018 to 2022.

Key words: ventral hernia, hernioplasty.

Долзарблиги. Бутун жаҳон соғликни сақлаш ташкилоти маълумотларига кўра қорин олдинги девори чуррас кенг тарқалган жарроҳлик касалликлардан бири ҳисобланиб, 3-7% аҳоли орасида кузатилади ва асосан меҳнатга лаёкатли ёшдаги аҳоли орасида касаллик кузатилади. Барча лапаротомияларнинг 5% дан ортиғи операциядан кейинги вентрал чурраларнинг шаклланиши билан асоратланади, бундан ташқари, уларнинг пайдо бўлиш частотаси жарроҳлик аралашувининг табиати ва шошилинчлигига боғлиқ бўлади [9]. Барча жарроҳлик аралашувларнинг қарийб 10% ини, вентрал чурраларни (ВЧ) бартараф этиш оператив ёндашуви ташкил қиласди. Мавжуд анъанавий усулдаги герниопластика услуглари ҳамма вақт

ҳам даволашда самарали натижа бермайди. Бунда рецидивлар 4,3% дан 46% гача ўзгариб туради, кенг ва катта нуқсонлар билан частота 60% гача қайталаниши мумкин. Шу муносабат билан, ҳозирги вақтда аллогерниопластиканинг турли хил варианtlари жарроҳлик усулида даволашнинг устувор усули ҳисобланади, бу эса узок муддатли натижаларни сезиларли даражада яхшилаш имконини берди. Бироқ, ушбу йўналишда давом этаётган изланишлар, беморларда мавжуд хасталиклар замирида, оператив услубнинг қиёсий ёндашув натижасида оптимал услубнинг танлови, чурраларнинг ўлчами ва жойлашуви ҳамда бошқа омиллар бундай турдаги беморларни даволаш натижаларининг қониктирмаслигидан далолат беради ва мазкур муаммонинг


долзарбилиги хамда ижтимоий аҳамиятлилигини билдиради.

Тадқиқотнинг максади - герниоаллопластика усулини танлаш мезонларидан фойдаланиш асосида операциядан кейинги вентрал чурраси бўлган беморларни жарроҳлик даволаш натижаларини яхшилаш.

Материал ва методлар Тадқиқот 2018-2022 й.й. Самарқанд шахар тиббиёт бирлашмасининг жарроҳлик бўлимларида ва Самарқанд давлат тиббиёт университети 1-клиникаси операциядан кейинги вентрал чурраси билан 245 нафар беморни текшириш ва даволаш натижалари асосида олиб борилди. Барча беморлар режали операция қилинди ва даволаш тактикасини танлашга караб беморлар 2 гурухга бўлинган. Такъослаш гурухи 2018-2019 йилларда операция қилинган 84 нафар бемордан иборат бўлиб, уларни даволашда умумий қабул қилинган стандарт ёндашувлар қўлланилган. Асосий гурухни 2020-2022 йилларда герниоаллопластика усулини танлаш мезонлари бўйича операция қилинган 161 нафар бемор ташкил этди.

245 нафар беморлардан эркаклар - 73 (29,8%) нафарни, аёллар – 172 (70,2%) ни ташкил қилди.

Ёшга нисбатан тақсимоти : 45ёшгача – 44 (16,8%), 46-59 ёш – 138 (52,9%), 60-74 ёш - 56 (21,5%), 75-80 ёш – 7 (2,7%).




Расм 1. Операциядан кейинги вентрал чурраси бўлган 56 ёшли беморнинг қорин олдинги девори кўриниши ва компьютер томографияси ($M_2W_3R_0$)

Ўрганилган гурухларда 139 (53,3%) беморда чурранинг асоратланмаган шакллари ва 106 (46,7%) тўғриланмаслик каби асоратга эга. Қисилган чурра бўлган беморлар бизнинг тадқиқотимизга киритилмаган.


Chervel J.P. ва Rath A.M. (1999 й.) таснифига кўра, беморларнинг катта қисми (187 - 76,3%) қорин бўшлигининг ўрта чизигида - киндик устки (M_1), киндик атрофи (M_2) ва киндик ости чурралариридир (M_3). Беморларнинг энг кам сони латерал (L) 48 (19,6%) ва комбинацияланган ($M + L$) 10 (4,1%) операциядан кейинги вентрал чурралари бўлган беморлар хисобланиб, 116 (47,3%) беморларда катта (W_3) ва гигант (W_4) чурралари ташкил килади. 245 беморнинг 162 (66,2%) таси операциядан кейинги вентрал чурраси (R_0), 83 (41,3%) та беморда операциядан кейинги рецидив вентрал чурраси (R_n) ташкил килади.

Чурра тешигининг ўлчамини, чурра халтаси таркибини ҳажмини аниқлаш, апоневроздаги қўшимча нуксонларни аниқлаш, қорин бўшлиғи органларининг симултан патологиясини ва битишмалари туфайли топографик ўзгаришларни аниқлаш, шунингдек, герниоаллопластика усулини олдиндан аниқлаш учун компьютер томография ўтказилди. Ушбу усул асосий гурухдаги 69 нафар (42,9%) беморда амалга оширилди. (1-расм).



Жадвал 1. Асосий гурухдаги бажарилган герниоаллопластика турлари

Гурух	Операция тури	Сони	%
1	Лапароскопик герниоаллопластика (IPOM)	49	30,4
2	Чурра нуксонини олдиндан тикиш билан «onlay» усулда герниоаллопластика	41	25,5
3	Чурра нуксонини тикмасдан «onlay» усулда герниоаллопластика (эндопротезни П-симон чоклар билан имплантацияси)	57	35,4
4	Чурра нуксонини тикмасдан комбинацияланган «onlay + sublay» усулида герниоаллопластика	14	8,7
	Жами	161	100



Расм 2. Чоклар модификациялаштирилган Endo Close игнаси ёрдамида корин олд деворига фиксация килиниши

Таққослаш гурухидаги беморларнинг (n=84) 37 нафарига (44,1%) таранглашган усуллардан фойдаланган холда ва 47 нафар (55,9%) беморда таранглашмаган усуллардан фойдаланган холда герниоаллопластикаси ўтказилди.

Асосий гурухда герниопластикани танлаш фарқланди. Бунинг учун операциядан кейинги вентрал чурраси бўлган беморларда герниопластика усулини танлаш мезонлари ишлаб чиқилган (ЭХМ учун дастурни давлат рўйхатидан ўтказилганлиги тўғрисидаги DGU 20325-сонли гувоҳнома, Ўзбекистон Республикаси Интеллектуал мулк агентлиги – 2022).

Дастур натижаларига кўра, асосий гурух беморларига кўйидаги операциялар ўтказилди (жадвал 1).

Умумий балли 5 гача бўлган, шунингдек, КТ маълумотларига кўра қорин бўшлиғи ҳажмининг 5% гача бўлган чурра протрузияси билан беморларга лапароскопик усулда герниоаллопластикаси ўтказилди. 5 баллгача ва қорин бўшлиғи ҳажмининг 5,1% - 14% гача бўлган чурра протрузияси булган, шунингдек, лапароскопик операциянинг техник қийинчиликлари мавжудлигига нуксонни дастлабки тикиш билан «onlay» усулда герниоаллопластикаси амалга оширилди.

Биз кичик ва ўрта ҳажимдаги операциядан кейинги вентрал чурралар (W_1, W_2) мавжуд бўлган, апоневроз нуксонининг ўлчамлари мос равишда 5 см гача ва 5 дан 10 см гача булган 49 нафар беморларда «IPOM» усулида лапароскопик протезловчи герниоаллопластика қўлладик.

Турсимон имплантнинг турига қараб, асосий гурухдаги беморларда кўйидаги жарроҳлик амалиётлари ўтказилди. 37 (75,5%) беморга лапароскопик протезловчи герниопластика амалга оширилди, уларга стандарт турсимон полипропилен имплантлари қўлланилди. 12 (24,5%)



Расм 3. "Sublay" усулда эндопротезни қорин олд деворига олдиндан жойлаштирилган П-симон чоклар ёрдамида фиксация килиш

беморда эса "Physiomesh" ёки "Prosid" (Ethicon) композит турсимон имплантлари қўлланилди

Имплантатни қорин бўшлиғига киритишдан олдин беморларда қорин пардаси очилди, чурра қопчаси ажратилди ва преперитонеал бўшлиқда "чўнтак" яратилди, чурра тешигидан периметри бўйлаб 5-6 см. Кейин троакар орқали қорин бўшлиғига ўралган тўрли имплант киритилди, очилди ва яратилган преперитонеал "чўнтағига" жойлаштирилди. Имплантнинг четига боғланган лигатурулар ёрдамида қорин олд деворига ип билан тикиш биз томонидан ўзгартирилган Endo Close игнаси ёрдамида экстракорпорал чоклар ёрдамида амалга оширилди (2-расм).

12 нафар (26,7%) bemорда «Physiomesh» ёки «Prosid» (Ethicon) композит тўр имплантларини қўллаш протезни қорин олд деворига маҳкамлашда преперитонеал "чўнтак" яратиш зарурати булмади.

Шу билан бирга, умумий балли 5 гача бўлган 41 нафар bemор, шунингдек, чурра протрузиясининг ҳажми КТ маълумотларига кўра қорин бўшлиғи ҳажмининг 14% гача бўлганида, чурра нуксони тикилган холда «onlay» усулда эндопротез имплантацияси амалга оширилд. Шу билан бирга, 6 нафар bemорда лапароскопик герниоаллопластикасини бажаришда конверсия сифатида ушбу турдаги операция давом этирилди.

6 дан 10 баллгача эга бўлган ва қорин бўшлиғи ҳажмининг 14,1% дан ортиқ чурра протрузияси бўлган КТ маълумотларини хисобга олган холда, биз 57 нафар bemорда эндопротезни П-симон чоклар билан имплантация килиш билан чурра нуксонини тикмасдан «onlay» герниопластикани ўтказдик. Қорин бўшлиғи ҳажмини ошириш, қорин сикилиш синдроми (КСС) ривожланишининг олдини олиш учун қорин бўшлиғини чурра халтаси вараги билан чегаралагандан сўнг,

апоневрозга тикилган холда түр қўйиш орқали қорин олд деворига пластик операция ўтказилди. Эндопротез П шаклидаги чоклар билан ўрнатилди. Корин бўшлигини чурра қопининг вараги билан ёпишдан олдин, бу чоклар қорин пардасигача бўлган мушак апоневротик деворининг барча қатламларида утган холда қўлланилади (3-расм).

КТ маълумотларига кўра, чурра нуқсони 10 см дан катта ва чурра протрузияси ҳажми КТ маълумотларига кўра қорин бўшлиғи ҳажмининг 18% дан ортиқ бўлган асосий гурухдаги 14 нафар (17,9%) bemорларда комбинацияланган таранглашмаган герниопластика «onlay + sublay» усулда бажарилди, яъни қорин бўшлиғи чурра халтаси вараги билан чегаралангандан сўнг мушак-апоневротик катлам орқасига битта имплант қўйилди, иккинчи имплант апоневроз устига қўйилди. Кейинчалик, эндопротез «sublay» усулда жойлаштирилди, эндопротез олдиндан тикилган П симон чоклар апоневроз устидаги барча қатламлардан ўтказилди ва жойлаштирилган «onlay» усулда иккинчи эндопротези ушбу чокларга маҳкамланди. Эндопротезлар орасига тугуни чоклар ҳам қўйилиб, қорин олд деворининг сунъий "оқ чизиги" яратилди. Ушбу усулнинг алоҳида аҳамияти қорин олд деворининг анатомик ва физиологик реконструкцияси, шунингдек, кайта яратилган қориннинг оқ чизигидир. Ушбу усулни клиникада қўллаш яхши функционал натижада берди.

Операциядан кейинги вентрал чурраларида тавсия этилган тактик ва техник жиҳатларнинг самарадорлигини қиёсий таҳлил қилиш асосида герниоаллоаллопластика усулини танлаш мезонлари алгоритми ишлаб чиқилди.

Натижалар ва мухокама. таққосланган гурухларда вентрал чурраси булаган bemор даволаш натижалари самарадорлигини баҳолаш учун асосий мезон сифатида қуйидаги кўрсаткичлардан фойдаланилди: операциядан кейинги эрта давринг қорин бўшлиғи асоратлари, қорин бўшлиғидан ташқари асоратлар, яра асоратлари.


241 (98,3%) bemорда операциядан кейин ошқозон-ичак трактининг нормал фаолияти сақланиб қолди, фақат 4 нафар (1,6%) bemорда, тадқиқот гурухларида ҳар бирида 2 нафар bemорда ичак парези ва таққослаш гурухидан 2 нафар (2,4%) bemор ва асосий гурухидан 2 нафар (1,2%) bemорда сийдик тутилиши қайд этилди. Таққослаш гурухда ва асосий гурухда mos равища 3 нафар (3,6%) ва 4 нафар (2,2%) bemорларда бронхопулмонал асоратлар қайд

етилган. КСС (компартмент синдром) ривожланиши таққослаш гурухининг 2 нафар (2,4%) bemорида содир бўлди, bemорларга узоқ муддатли сунъий механик вентиляция талаб қилинди, бу консерватив тарзда муваффақиятли бартараф қилинди. Таққослаш гурухидаги 2 нафар (2,4%) bemорда юрак-қон томир асоратлари кузатилди. Нафас олиш ва юрак-қон томир асоратлари таранглашган герниоаллоаллопластикаси туфайли қорин бўшлигининг сиқилиши билан боғлиқ эди.

Яра асоратлари орасида операциядан кейинги гематомалар таққослаш гурухда mos равища 2 нафар (2,4%) ва 1 нафар (0,6%) ҳолатда, серомалар 2 нафар (2,4%) ва 3 нафар (1,8%) bemорда, 3 нафар (1,2%) bemорда лимфорея қайд этилган. Беморлар, таққослаш гурухда ва асосий гурухларда mos равища 2 ва 1 ҳолатда, таққослаш гурухидаги 1 нафар (1,2%) bemорда яра йиринглаши ва 2 нафар (2,4%) ва 1 нафар (1%) да тери некрози (0,6% холларда) кузатилди. Шуни таъкидлаш керакки, таққослаш гурухидаги бир bemорда ўртacha ҳисобда бронхо-ўпка ва юрак-қон томир асоратлари яра асоратлари билан комбинацияланган шаклда 2-3 та асоратлар мавжуд булди. Умуман олганда, таққослаш гурухда 10 нафар (11,9%) bemорда турли хил асоратлар мавжуд бўлиб, улардан 9 нафарда (10,7%) яра асоратлари ва 10 нафарда (11,9%) умумий қорин бўшлиғидан ташқари асоратлар мавжуд булди.

Асосий гурухда 7 нафар (4,3%) bemорда турли хил асоратлар, 6 нафарида (3,7%) яра асоратлари, яна 8 нафарида (4,9%) умумий асоратлар кузатилган. Асоратларнинг сони бўйича қиёсий белгига кўра, асосий гурухда сезиларли яхшиланишга эришилди ($\chi^2 = 4,043$; Df=1; p=0,045).

Даволаш босқичларида қорин бўшлиғи босими даражаси динамикаси ўлчанди. Олинган мълумотларга асосланиб, қорин бўшлиғи босими кўрсаткичларининг мунтазам равища ўзгариши операция босқичларида уларнинг ортиш йўналишида аниқланди, бу чурра таркибини ботириш ва таранглашган усул ёрдамида герниопластика билан боғлиқ. П симон чоклар билан эндопротезини имплантация қилиш билан таранглашмаган герниопластикани бажариш - асосий гурухдаги 71 нафар bemорга қўлланиладиган чок ва нуқсонни тикмасдан "onlay + sublay" комбинацияланган усули қорин бўшлиғи босимининг ошишига йўл қўймаслик имконини берди.



Расм 4. Таққосланган гурухларда операциядан кейинги ва кечки даврда асоратларнинг частотаси

Шундай қилиб, операциядан кейинги вентрал чурраси бўлган беморларни жарроҳлик даволашда пластика усулини танлаш мезонларини хисобга олган холда алгоритмни қўллаш операциядан кейинги асоратларнинг умумий частотасини 11,9% дан 4,3% гача камайтириш имконини берди ($p = 0,045$), шу жумладан яра асоратлари 10,7% дан 3,7% гача ва корин бўшлиғидан ташқари 19,1% дан 4,9% гача, шунингдек, жарроҳлик даволаш муддатини, реабилитация даврларини ва турли хил герниопластика варианларидан кейин стационарда даволанишнинг умумий давомийлигини сезиларли даражада қисқартириди.

Узок муддатли натижалар 1 йилдан 5 йилгача операция қилинган 245 беморнинг 187 тасида (75,9%) таҳлил қилинди. Вентрал чурранинг тақрорланиши 5 нафар (6,3%) беморда фақат таққослаш гуруҳида қайд этилган (4-расм).

Беморларнинг хаёт сифатини аниқлаш бўйича ишлаб чиқилган дастурга кўра, операциядан кейинги кеч даврда кузатилган 187 нафар (90,8%) бемор баҳоланди. Улардан 79 нафари таққослаш гуруҳидан, 119 нафари эса асосий гурухдан.

Таққослаш гуруҳида bemorларнинг 30,5 фоизида аъло натижалар, 47,2% яхши, 13,9% қониқарли ва 8,3% қониқарсиз натижаларга эришилди. Ўз навбатида, асосий гурухда bemorларнинг 54,9% аъло натижалар, bemorларнинг 37,2% яхши, 5,9% қониқарли ва фақат 1,9% қониқарсиз натижаларга эришилди.

Шундай қилиб, утказилган тадқиқотлар қўйидаги хулосалар чиқаришга имкон берди. Операциядан кейинги вентрал чурраси бўлган bemorлarda герниопластика усулини танлаш

мезонларига асосланган таклиф қилинган алгоритм операциядан кейинги асоратларни 11,9% дан 4,3% гача камайтиришга имкон берди ($n = 0,045$). П - симон чоклар ёрдамида "onlay" усулда эндопротезни имплантация қилиш ва "onlay + sublay" комбинацияланган усуллар ёрдамида герниопластикасининг таранглашмаган усулларини бажаришнинг техник жиҳатларини тақомиллаштириш касалликнинг қайталанишини камайтириди ва сифат курсаткичини яхшилаш имконини берди. Аъло ва яхши узоқ муддатли натижалар улушининг 77,7% дан 92,1% гача ўсиши ва ёмон натижаларнинг 8,3% дан 1,9% гача қисқартириди ($p = 0,030$).

Хулоса:

- Операциядан кейинги вентрал чурраларда герниопластика усулини танлашда, корин олд деворининг нуксони ҳажмини ва чурранинг корин бўшлиғи ҳажмига нисбатини аниқлаш, компьютер томографияси маълумотларига асосланган бўлиши керак;

- IPOM методида лапароскопик герниопластика кичик ва ўрта ҳажмли (W1-W2) операциядан кейинги вентрал чурраларда эндопротезни маҳкамлашнинг техник жиҳатларини тақомиллаштириш операцияни бажариш техникасини анча соддалаштириди ва унинг давомийлигини қисқартириди;

- Олдиндан ўрнатилган П-симон чоклар ёрдамида "onlay" усулда таранглашмаган герниопластикани ва комбинацияланган "onlay+sublay" усули билан эндопротезни имплантация қилишнинг тактик ва техник жиҳатларини оптималлаштириш, компартмент синдроми ривожланишини ва операциядан кейинги катта ва гигант (W3-W4) ўлчамдаги

чурраларда касалликнинг қайталанишини камайтиришга имкон берди;

4. Герниопластика усулини танлаш мезонлари асосида операциядан кейинги вентрал чурраси бўлган беморларни даволаш учун тавсия этилган алгоритм операциядан кейинги асоратлар частотасини 11,9% дан 4,3% гача камайтиришга, компартмент синдроми ривожланмаслигига ва касалликнинг қайталанишини пасайишига имкон берди (асосий гуруҳда ва таққослаш гурухида мос равиша 2,4% ва 6,3%).

Адабиётлар:

1. Калиш Ю. И. и др. Рецидивные грыжи после протезной пластики" обзор литературы" // Хирург. – 2015. – №. 10. – С. 52-60.
2. Куликова Н. А. Превентивное эндопротезирование передней брюшной стенки после срединной лапаротомии //Оперативная хирургия и клиническая анатомия. – 2018. – Т. 2. – №. 3. – С. 38-45.
3. World Health Organization. Hernia: fact sheet no. 199. World Health Organization website.2017. www.who.. Int/iris/handle/10589/1111189.
4. Магеррамов Д.М., Медеубеков У.Ш. Хирургическая коррекция деформации передней брюшной стенки. Реальность и перспективы (обзор литературы) //Вестник хирургии Казахстана. – 2017. – №. 1 (50).
5. Мухтаров З. М., Малков И. С., Алишев О. Т. Профилактика раневых послеоперационных осложнений у больных с послеоперационными вентральными грыжами //Практическая медицина. – 2014. – №. 5 (81).
6. Ризаев Ж. А. и др. Значение коморбидных состояний в развитии хронической сердечной недостаточности у больных пожилого и старческого возраста //Достижения науки и образования. – 2022. – №. 1 (81). – С. 75-79.
7. Ризаев Ж. А. и др. Анализ активных механизмов модуляции кровотока микроциркуляторного русла у больных с пародонтитами на фоне ишемической болезни сердца, осложненной хронической сердечной недостаточностью //Вісник про-

блем біиологии і медицини. – 2019. – №. 4 (1). – С. 338-342.

8. Тешаев О. Р., Хайитов И. Б. Экспериментальное моделирование грыжи передней брюшной стенки с абдомино-висцеральным ожирением //Журнал теоретической и клинической медицины. – 2016. – №. 4. – С. 23-25.
9. Baylón K. et al. Past, present and future of surgical meshes: a review //Membranes. – 2017. – Т. 7. – №. 3. – С. 47.
- 10.Berrevoet F. et al. A multicenter prospective study of patients undergoing open ventral hernia repair with intraperitoneal positioning using the monofilament polyester composite ventral patch: interim results of the PANACEA study //Medical devices (Auckland, NZ). – 2017. – Т. 10. – С. 81.
- 11.Elstner K. E. et al. Preoperative progressive pneumoperitoneum complementing chemical component relaxation in complex ventral hernia repair //Surgical endoscopy. – 2017. – Т. 31. – №. 4. – С. 1914-1922.

ТАКТИКО – ТЕХНИЧЕСКИЕ АСПЕКТЫ ГЕРНИОАЛЛОПЛАСТИКИ У БОЛЬНЫХ С ПОСЛЕОПЕРАЦИОННЫМИ ВЕНТРАЛЬНЫМИ ГРЫЖАМИ

Юлдашев П.А., Курбаниязов З.Б., Сайинаев Ф.К.

Резюме. В статье приведены данные результаты сравнительного анализа хирургического лечения 245 больных с вентральными грыжами, которые были оперированы в хирургическом отделении многопрофильной клиники Самаркандинского государственного медицинского университета. Сравнительный анализ результатов хирургического лечения было проведено среди основной группы больных ($n=161$), которым герниоаллопластика проведено учетом критериев выбора хирургической тактики и больным с вентральными грыжами, грыжесечение которым проведено традиционным методом ($n=84$) в период с 2018 по 2022 гг.

Ключевые слова: вентральная грыжа, герниоаллопластика.